

十朝东华录

乾隆朝

第五

函
七
册

欽

平

和

知
學

PDG

秋七月己巳諭大學士等廣西義甯頑苗旬結楚苗肆行不法見在用兵乃地方最緊要之事安圖專人齎摺來京並無一語奏及
 止將安南國土官將完結之事敘述以塞己責其意蓋欲以義甯之事全推卸於番臣馬爾泰也不知馬爾泰甫到桂林而安圖入
 在地方且與義甯相去甚近從前如何情形近日如何辦理安圖豈可視同膜外巧為推卸之計乎即如粵省雨水收成亦必待朕
 降旨詢問而後陳奏則其不以民瘼為念可知封疆大臣如此居心行事地方何所倚賴可傳旨嚴行申飭之○庚午諭八月
 十三日為朕誕辰聞內外臣工以今年為三十壽之期欲行慶賀實獻之禮朕甚不取今年春間外省督撫提臣中如德沛王郡
 王仕任等皆請八月進京陛見朕批諭止之蓋朕年甫及壯不言慶賀且朕所望於內外臣工者總在實心實政為國家宣猷效力
 不在稱祝祝嘏之儀文著即傳諭內外臣工等仍照常年之例行若有在常例之外者俱著停止○癸酉調張渠為湖北巡撫以徐
 士林為江蘇巡撫安甯為江蘇布政使由蘇州○召安圖來京調方顯為廣西巡撫顧色為四川巡撫以朱定元為山東巡撫起金
 鐵為河南布政使尋吏部奏金鐵已故以趙城為河南布政使呂守曾為甘肅按察使由浙江○甲戌禁私售旗地○乙亥賜準
 噶爾台吉噶爾丹策零敕書曰諭噶爾丹策零爾使莽爾齊至奏章言哈柳奉到敕書內有云原議以阿爾台南哈卜塔克拜塔克
 烏蘭烏蘇羅卜諾爾噶斯口為界今既一切俱遵朕旨更無可議之事是已蒙諭旨見許但敕書內係蒙古舊語音未能盡釋是以
 屢次遣人入奏迄未定議懇再降旨明示等語朕為大君不分內外一體愛恤欲邊界民人不起爭端長享安樂所以前歲敕書中
 言罷兵息民永歸和好則定界與否亦非要事惟厄魯特無過阿爾台游牧牧卡倫設立如舊科卜多不更駐兵每年應略地時止遣
 二三十人巡視彼此既無牽掣亦可釋爾疑惑諭旨甚明以此台吉亦喻朕旨即此定議去年哈柳來朕甚嘉之特以前者賜爾敕
 中原有令游牧人等各安所居之言及爾還奏並未言及阿爾台南游牧人等之事此事雖非緊要但前既議及後不一指明恐
 彼此游牧人等不知或妄行踰越致起爭端有乖和好故朕之大臣面詢哈柳據云以阿爾台山為界業已指明山南游牧之人仍
 居舊地自不待言復有何議因此朕亦就此完結惟諭喀爾喀等自今無得過扎卜堪齊克濟哈薩克圖庫克嶺等處游牧而已今
 台吉又復懷疑祈朕明降諭旨朕為天下大皇帝豈肯食言台吉固無容過慮也又稱進藏之人若由肅州起東科爾其人悉未出
 痘又道還恐乏水草請自備牲畜路費由庫克沙什西喇喀勒占前進至進藏時或馬匹疲乏尙懇加恩接濟爾前請進藏熬茶百
 人不敷之用三百人朕已允行至一切所需爾本以尊崇佛教修行善事之故致誠前往此事固未便朕為資助亦於台吉聲名有
 關但既經奏請儻由東科爾進藏及由藏同時途間果有匱乏量為接濟在朕固所不吝也至請路由庫克沙什等處朕邊境大臣
 已詢習知道路者俱言此路既多戈壁又缺水草行走甚難但爾來人未出痘者道經內地誠屬可虞朕已飭令邊境大臣擇戈壁
 少水草好有益於爾人畜者詳悉勸明導引爾之人赴東科爾到時朕大臣當已豫為之備矣隨敕賜各色段十端加賞玻璃器皿

四十事大段六端○丙子命喀爾喀王等與兩路軍營會議撤兵○吏部議湖廣總督班第參奏湖北巡撫崔紀違例縱私各案查崔紀濫准崔乃鋪擅動存公銀兩被參後復代賠虧缺種種徇庇應降三級調用又委按察司經歷署理州縣印務應請俸一年又密諭各府令民間暫食私鹽尤為執法溺職應照例革職得旨崔紀袒護崔乃鋪一案著照部議降三級調用至令民間暫食私鹽一案雖悖謬實甚但事尚未行遽議革職未免過重此案著免其革職再降五級調用○丁丑諭今日大學士等擬為山東寬期帶徵米豆以紓民力之諭旨內有今歲雨暘應時收成豐稔萬民樂業之語朕思山東當荒歉之後今歲雖獲有秋而元氣未復若遽以為萬民樂業則言過其實非朕心所敢安也凡豐亨豫大萬民樂業等語即臣工見之章奏朕且謂其過於鋪張在朕諭旨中亦豈可以告天下爾等可記朕此旨嗣後毋得稍忽蓋朕之事天亦猶臣工之事朕若朕承上天恩眷而稍有侈然自足之心即非永承恩眷之道亦如臣工受朕恩眷而侈然自足亦豈能常承弗替乎且今吏治未盡循良風俗未盡淳厚人材亦尚未振興兵民生計亦尚未充裕此我君臣所當憂勤惕厲亟為籌畫者况民猶水也激之則清撓之則濁若示以振作則才幹者或失之乖張若偏於安靜則委靡者又流於閹茸此中調劑實屬甚難固不可欲速尤不容稍懈惟有時刻加之意以期潛移默化終底於成而已○戊寅命八旗三年一次赴蘆溝橋演礮○己卯增河南伏牛山兵弁○甲申諭朕聞滇省鶴慶府城及所轄之觀音山於前明時分設驛站後因驛站裁革驛馬分給驛丁將觀音山編為三十馬頭每馬人丁十七丁每丁歲徵銀五錢四分在城驛站編為二十馬頭每馬人丁五十六丁每丁歲徵銀二錢五分共徵驛站丁銀五百五十九兩有零至今相沿每歲交納而窮丁無力輸將以致官役代為賄補前經地方官將自首額外修編並折徵稅秋銀六十二兩九錢抵充外其餘仍屬無著朕念此等歲無出產之民徒以先世貽累賠納丁銀情殊堪憫嗣後將此項應徵銀兩悉行豁免以示朕加惠邊氓至意○命張廣泗留辦湖南事務○乙酉諭武職官員專司營伍服習騎射是其本分向因將弁偷安坐轎並不乘馬會家皇考頒發諭旨嚴行禁止煌煌聖訓自應永遠欽遵乃近聞江南武弁復蹈從前陋習多不乘馬自副將以下至都司守備俱公然乘坐四轎甚至有前呼後擁喧耀街衢者江南如此他省諒亦不免夫人情習於勢則精神振作習於逸則志氣萎靡况身為武員而憚於乘騎開驕惰之端廢弛之漸又何以前行而率士卒乎各省督撫提鎮務將朕旨通行申飭如仍不遵奉即指名題參交部議處○丁亥諭沿邊官分交涉蒙古事件毋許歧視○戊子飭福建督撫籌積貯○頒日講四書解義御纂四經性理精義御選古文御註孝經於奉天各義學○國子監奏監丞助教等官遇丁祭時有陳設分獻各執事請照禮部光祿寺之例一體賞掛數珠以光祀典得旨准其照數珠○己丑以陳守創為左副都御史由順天府尹遷○庚寅諭據御史沈世楓奏稱近年督撫每以尋常政務不足以結主知而動眾聽於是還臆見以變生於一得以邀功其說以為利民而其實利未見而害隨之如崔紀令開井灌田郝玉麟欲以嚴刑重困流民張渠請盡糧穀帶酒雅爾圖抑令業莊免租李衛禁止躍趨鄂爾達勒令鹽商領帑開礦之類又如陳大受見豫撫因捕緝多盜蒙恩議敘亦

伏祈特降明旨申諭各省督撫毋得奇譚異以逞其聰明毋好大喜功冀邀天嘉獎等語朕臨御寰宇執一中以理萬幾大臣爲國宣猷亦惟能協於中方無不及之弊乃數年以來朕見督撫中圖其委靡苟且因循如碩色石麟岳濬尹會一之流實未見其惻隱無華日計不足月計有餘故遇有努力向前勇於任事者究勝於持祿口位之輩是以量加獎許以示鼓勵若謂朕之簡用督撫所尙在此而督撫意中以爲如此卽足以副朕之期望則全不知朕心者矣沈世楓所奏亦不爲無因而亦有似是而非之處如崔紀之開井灌田張渠之請禁糧艘帶酒實皆事之不可行者至於禁止鹽麪一節雖目前未有大益而行之日久於米穀豈無撙節儲蓄豈無裨補卽沈世楓奏摺中所謂不應責效於旦夕者正此類也伊所陳奏皆指辦事失之太過者而言若如碩色之報荒不實尹會一之捕盜不力不又失之不及乎過與不及皆非中道爲聖人之所不取天爲百姓而立之君君不能獨爲治也而分其任於督撫凡百姓之事皆君之事卽督撫之事也如沈世楓摺中所奏勸農積貯等務朕何嘗不屢降諭旨責之督撫而督撫中之實在留心者果不多見蓋此等事卽留心經畫而一時難以見功置之不問亦一時未必見過是以悠悠忽忽竟視爲具文矣殊不知治天下之道莫大於教養一端朕之初意侯養民之政漸次就緒閭閻略有盈甯之象則興行教化易俗移風庶幾可登上理豈封疆大臣能辦地方一二事遂足以滿朕望乎朕日以皋夔稷契望天下之督撫亦當以皋夔稷契自待不可識見短淺過自菲薄徒沾名譽徒邀嘉獎爲言官之所輕也要之安靜與廢弛振作與紛擾差之毫釐謬以千里如安靜與振作則爲朕之所取廢弛與紛擾則爲朕之所斥是非判然無難決擇爲督撫者有則改之無則加勉以副朕教導期望之至意沈世楓原奏並發○壬辰詹事陳浩奏乾隆四年前諭旨編錄二十冊裝成五套恭呈 御覽請交大學士等校閱刊刻頒布得旨覽陳浩所奏深用嘉愧昔人云以身令者從以言令者訟朕承 皇考付託之重宵旰乾乾深懼用人行政之未當移風易俗之未能是以誨諭諄諄而未臻治理者皆不能躬身倡率之故也若復刊布頒行益滋漸惡所奏不准行但留中以備省覽庶可驗言行之或有不符始終之或有不一也○甲午命各省鑿曠土○丁酉大學士等議覆雲南總督公慶復等奏開鑿通川河道實爲滇省大利兩次委員查勘自東川府由小江口入金沙江派流至新開灘一路直通四川瀘州雖崎嶇險阻要皆人力可施堪以化險爲平以資利濟惟沿江一帶人煙稀少募匠設廠運米糧工費約需數十萬金滇省見運銅斤若得改由水運每歲可省運腳之半約計三四年省出運費足以興修永遠鉅工等語查此項工程千數百里長灘巨石必令興修之後貨真轉輸一勞永逸庶國帑不至虛糜應令該督等確實估計詳慎舉行至估計一定經秋水涸有宜先動帑金將緊要工段開鑿疏通者應如所請隨時奏聞辦理至來春先用木牌試運銅斤之處恐河道方開遽欲試運若稍不受順反足以撓成議應令從緩酌辦再水欺古夷境爲新開河道必經之地應令委員善爲招撫期於永遠安輯庶無後慮從之

八月己亥朔兩廣總督馬爾泰等奏廣西宜山縣土禁不法派兵討平得旨嘉獎交部議敘○廣子諭朕聞江省歲額錢糧地丁清
項蘆課雜稅之外又有名爲雜辦者不在地丁項下編徵仍入地丁項下彙作分數奏銷其款目甚多沿自前明迄今賦役全書止
編應解之款未開出辦原委卽有開載出辦之處亦未編定如何徵收則例於是有缺額累官者有徵收累民者有累在官而因以
及民者有累在民而因以及官者種種不一朕心軫念特頒諭旨除有款可徵積久相安無累官民之項仍照舊徵解但須查明則
例立定章程明白曉示以杜浮收隱混等弊其實在缺額有累官民者著總督楊超曾巡撫徐士林詳確查明請旨豁免以示朕加
惠地方之至意○甲辰禮部議駁調任山東巡撫顧色奏請將先儒孔鮒從祀 文廟查漢書云古文尙書出孔氏壁中顏師古注
曰家語云孔鮒字子襄畏秦法峻急藏書於舊堂壁中而漢記尹敏傳云孔鮒所藏二說不同未知孰是則藏書爲鮒爲騰未可定
又閩里志及史記世家孔鮒初事秦始皇爲文通君拜少傅繼事陳涉還太傅是其生平約略可見至所著孔叢子一書朱子疑爲
僞作是此書真贋亦未可定從祀鉅典必顯有明徵乃可據爲定論若在疑似之間甯慎無濫該撫所奏應毋庸議從之○甲寅
上御經筵○己未諭東南沿海一帶如山東江南浙江福建廣東廣西等省俱設有戰船以爲海防之備今承平日久官弁漸覺疏
忽朕聞船隻數目竟有報部之虛名而十分之中不無缺少二三者至於大修小修之時每因船數太多難以查覈該防營弁及州
縣官員通同作弊將所領帑銀侵蝕入己報修十隻其實不過七八隻而又塗飾顏色以爲美觀仍不堅固且更有不肖官員令子
弟親屬載販外省或賈與商人前往安南日本貿易取利者以朕所聞如此雖未必各省皆然亦難保必無其事可傳諭該督撫
提鎮等嗣後嚴行稽查加意整頓務令諸弊盡絕以重海防儻將來再有風聞經朕遣大臣前往查出則虛冒廢弛之咎惟於該管
之大臣是問○命殺虎口臺站隸綏遠城將軍古北口獨石口臺站隸提督喜峰口臺站隸熱河副都統○壬戌 上奉 皇太后
幸南苑 上行圍○以陳惠正爲山東按察使
山西西貢
○丙寅諭前吏部議尙書郝玉麟因薦舉劣員王德純一案擬以降四級
處分朕命福建總督德沛確查郝玉麟有無得受王德純賄賂之處具奏到日再降諭旨今據德沛奏稱郝玉麟保薦王德純時並
未受賄惟王德純心懷感激每年呈送禮物則皆收受等語朕思此等餽送惟清操可信之大臣方能舉行屏絕若尋常督撫中難
保其一無收受此與因事納賄者尙屬有間且郝玉麟係 皇考簡用之大員歷外任甚久人亦諳練老成若照部議降調稍覺可
惜著從寬降二級調用以示懲儆○禮部議駁浙江巡撫盧焯奏請將新昌縣宋儒石塾從祀 文廟謹按 御纂周易折中列引
用先儒姓氏石塾並未開載朱子中庸章句序內稱石氏之所輯錄大義雖明而微言未晰又云取石氏書刪其繁亂名以輯略則
石氏原本擇焉未精可知迹其平生與朱子相友善講學問答朱子稱其刻意爲學愿官皆有政績查該縣鄉賢祠內已經崇祀該
撫所請應毋庸議從之○戊辰廣西提督譚行義奏官兵擒獲首逆苗境悉平遵旨前往楚省商辦軍務得旨所奏俱悉汝等起初
十里下等以女實其腹用云以愛女能解其腹諒朱屬可嘉又奏深聞安南國眾官於本年五月二十一日立龍德之子名彪者爲

王改爲景興元年見在各處貼有放書榜文差官加封草福培爲郡公並加封七土州官職其處東處南阮超侯武美玉等尙在勦兵未息報聞

九月癸酉調楊超曾爲吏部尙書仍署兩江總督調史貽直爲兵部尙書韓光基爲刑部尙書以陳世倌爲工部尙書

出左都御史

學士等議覆直隸總督孫嘉淦等奏永定河漫溢爲患從前建築石壩草壩皆失於高不能遏水查金門關石壩上約數十丈係河流頂衝之所於此處開一土壩則全河之水頃刻即入金門關之引河可以順流暢達將來汎水漲發散入田野民收肥腴之利經

流歸槽安行故道並無潰決之憂請乘目下水涸流細之時將引河挑濬開閘放水爲漸復故道之計至金門關之引河有東西二

股請於分流之處將東口築高數尺平日專走西股若遇異漲兼入東股可資消滅等語應如所請得旨依議速行○予故禮部尙

書覺羅蘇庫祭葬○丙子諭從來安民之要莫先於弭盜而誣叛之弊使盜賊逞其奸良善受其害尤不可不嚴爲防也蓋盜賊中

狡黠者多平日之高夥不肯實供每誣扳素封之家及向有嫌隙之人以圖陷害而捕役從中播弄借此索詐弊端百出縱有司審

批誣扳實情准予首釋而被拘候審已不勝擾累矣朕思各省臬司爲刑名總匯審理盜案是其專責當檄行所屬凡盜賊供扳窩

夥必先詳加訊問得有確據方可拘拏隨到隨審如有誣扳立即省釋並將誣良之盜賊先行重懲以免再有妄扳至於是盜是匪

雖本人口供難以盡信而其人平日行止如何鄰里斷無不知之理虛心傳訊自無遁情儻有應接賊贓務令委員往查不得專任

捕役以啓藉端抄掠之弊各省督撫轉飭臬司實力奉行以副朕息盜安良之至意○諭楚粵兩省最爾苗人猖獗不靖半載有餘

官兵擒勦尚未竣事夫苗之爲賊本非巨寇剽則鷹攫敗則獸散更攻則西奔南誅則北竄今之不能蕩平者在於兵力之不齊非

關賊勢之兇猛也查楚省出征官兵一萬餘員名防護各處者十之七進剿逆寨者十之三其零星四布惟以坐守爲事而提兵對

敵又不能窮追極搜是以寨頗克而棄寨逃避之賊猶足以爲民害其報捷之文不過云斬獲數人割耳記十數人其餘奔入深箐

難以追勦而已夫苗可以入深箐官兵獨不可以入深箐乎至於粵省則以附近省城百里之逆苗不能早爲勦撲並不奏聞及至

報捷又多粉飾之語縱使苟完結於目前將來難免後患此皆兩省督撫提鎮辦理未善不知機宜之所致也張廣泗素有幹濟之

才於苗疆事務更所熟諳今既到軍前定能體察情事調度合宜但須事權歸一才可以資彈壓用是再頒諭旨凡在軍前文武無

分楚粵自提督總兵官以下俱受張廣泗節制一切功罪聽其賞罰應奏聞者奏聞應辦理者辦理該督撫等俱不得掣肘並著該

部將欽差大臣關防一顆遣官馳驛送往○已卯戶部請定秋災加賑例 上曰賑濟之事固不可不先定條例即常例之外亦無

所咨○丙戌江南宿遷縣朱家閘河決命築挑水壩○壬辰蘇祿國王送回內地遭風商船並請朝貢允之○甲午以王安國爲左

都御史

用明諱○丙申諭記云莊敬日強安肆日偷自古及今未有不以勤而興事亦未有不以怠而敗事者朕曉夜孜孜勵敬

天勤民之心爲熙事甯人之本而大小臣工理宜恪恭乃職夙興夜寐以事一人近見各部奏事率過辰而至已朕昧爽而興惟

流連經史坐以俟之而已此豈君臣交儆勤於爲治之意耶夫善始者實多克終者蓋寡朕卽位之初卽以敬天勤民之心時刻自勉並以訓誨百爾臣工今甫五年耳朕悚懼危懼惟恐涉於懈而有違初志爾百爾臣工皆有輔弼凝承之責乃反自卽於安肆乎夫君逸於上臣勞於下自然之理也今朕尙不敢少自暇逸而汝諸臣乃不能自勉於勞詩曰夙夜匪懈以事一人易曰王臣蹇蹇匪躬之故自今以後務宜振作奮興繩愆糾謬以副朕期望汝諸臣之意苦仍自暇逸則朕戒之在前矣將視成於後非謂朕暴也論奉天居民不願入籍者限十年回籍是月直隸總督孫嘉淦奏挑浚永定河復歸故道本月親至金門閘會同顧琮督率河員於金門閘之上開挖重隄二十丈挑浚河槽二百七十餘丈使河流入金門閘引河之內其金門閘引河東西二股見將東股開壅令專走西股至西股之中尙有淺窄處所相度開挖自楊柳青起至李各莊止展寬挑深共三千六百餘丈十五日各工俱竣十六日開河放水頃刻間全河已過順軌安流得旨永定河應歸故道朕已慮之久矣今孫嘉淦一力擔承妥協辦理實屬可嘉俟一切善後事宜詳勘交辦明年伏秋兩汛果係安瀾著交部議敘具奏又奏本月十六日開永定河南隄放水復歸故道隨卽策馬沿流而南處處相度見河流循軌二百餘里之內逼近河岸村莊不過十數處易於保護兩岸地勢平行汎水一至可以散漫平流不能爲害至中亭河清渾合流之處渾水入後清水不過漲高四寸將來不致潰溢又隨流而東觀其清渾盪刷不過數里水色已清將來已不致淤淀至河水新來行人過渡艱難已撥固安霸州船隻令其接濟行旅不致阻滯得旨開河之後朕日夜屢念覽此奏大慰朕懷矣非卿一力擔承斷不能成此事然此時尙未可侈然自足也必俟明年諸事妥協伏秋無妨然後可以慰眾望而吾君臣此舉方不爲冒昧也看來顧琮頗有游移之見高斌陞見在卽其人公忠醇謹且熟悉河務朕已有旨令彼會同卿等將善後之策熟酌妥議卿其與彼和衷辦理可也欽差大臣張廣泗奏察看楚省軍營情形因總兵劉策名按兵不動以致銳氣沮喪見在代爲部署旬日之閒兵威已振提督杜柱於一切軍機調度亦未諳悉臣不得不暫駐軍營妥爲辦理俟首兇就縛卽進京陛見至粵省叛苗已攻克二十九寨招撫四十六寨見文武和衷將士戮力可無他慮得旨所奏俱悉卿不必卽欲來京陛見看來此事尙須妥協辦理卽善後事宜亦並未見有頭緒前已頒欽差關防庶事權歸一卿可周詳妥辦務期萬全以副朕念至杜愷能勝任否卿其據實奏來

冬十月戊戌朔調常安爲漕運總督托時爲刑部侍郎○己亥上啓鑾謁泰陵壬寅上謁泰陵回鑾○乙巳上還京

師○丙午調阿里衮爲戶部侍郎起鄂爾達爲兵部侍郎原任兩廣總督○以覺羅麟爲內閣學士原任山東巡撫丁未大學士等議雲南總

督公慶復奏探聞安南陪臣鄭姓廢立改元該國叛亂四起皆以興黎滅鄭爲名黎氏係我朝貢臣請行文詰詢緣由責以大義使逆臣知所畏忌等語查鄭姓專橫已久今復擅行廢立義當詰責但此事虛實未審又不知新立者係屬土何人縱行文該國而回文仍出鄭手諒必託辭諉卸且一經詰責通國皆知卽鄭姓暫緩逆謀而滅鄭爲名者必將紛紛請兵轉恐難以猝應應俟該國將

廢立舉廢奏開請封之時然後酌其情事慎重辦理又議廢復奏審擬交賊突長一案請將突長等的發廣東貴州四川安插餘犯分別發落應如所擬完結但貴州與雲南連界與伊犁等故土猶近應令分發川廣交該管官嚴加約束從之○己酉諭朕命翰林科道諸臣每日進呈經史講義原欲探聖賢之精蘊為政治富人之本道統學術無所不該亦無往不貫而兩年來諸臣條舉經史各就所見為說未有將來儒性理諸書切實敷陳與儒先相表裏者蓋近來留意詞章之學者尚不乏人而究心理學者蓋鮮即諸臣亦有於講章中繫以箴銘者古人鑑鑒八柱有箴有銘其文也即其道也今則以詞藻相向不過為應制之具是歧道與文而二之矣總因居恒肄業未嘗於宋儒之書沈潛往復體之身心以求聖賢之道故其見於議論止於如此夫治統原於道統學不正則道不明有宋周程張朱子於天人性命大本大原之所在與夫工用節目之詳得孔孟之心傳而於理欲公私義利之界辨之至明循之則為君子悖之則為小人為國家者由之則治失之則亂實有裨於化民成俗脩己治人之要所謂入聖之階梯求道之途轍也學者精察而力行之則蘊之為德行學皆實學行之為事業治皆實功此宋儒之書所以有功後學不可不講明而切究之也今之說經者聞或援引漢唐箋疏之說夫典章制度漢唐諸儒有所傳述考據固不可廢而經術之精微必得宋儒參考而闡發之然後聖人之微言大義如揭日月而行也惟是講學之人有誠有偽誠者不可多得而偽者託於道德性命之說欺世盜名漸啓標榜門戶之害此朕所深知亦朕所深惡然不可以偽託者獲罪於名教遂置理學於不事此何異於因噎而廢食乎蓋為己為人之分自孔子時早已明辨而切戒之學者正當精擇審處著誠去偽毋蹈徇外驚名之陋習崇正學則可以得醇儒正人心厚風俗培養國家之元氣所繫綦重非徒口耳之勤近功小補之術也朕願諸臣研求宋儒之書以上溯六經之闡奧涵泳從容優游漸漬知為灼知得為實得明體達用以為啓沃之資治心脩身以端教化之本將國家收端人正士之用而儒先性命道德之旨有功於世道人心者顯著於家國天下朕於諸臣有厚望焉○辛亥敕翰林院於輪班日帶編修檢討十員引見○壬子轉張照為刑部左侍郎以郝玉麟為刑部右侍郎降調吏部尚書○丙辰諭從來宮室苑囿古帝王所不廢其或年歲稍久量加修繕亦勢所不免然而惜民力節嗜欲戒奢華乃國治之大經養心之要道朕即位以來一切服御務從省約即圓明園臨御之地亦一仍舊觀並未別有營造以蹈土木繁興之戒今年偶因苑中東偏尚有隙地增構臺榭數月訖工稍覺華壯朕心已用為疚蓋雖徭役無煩於閭閻經費不藉於司農而內帑所出獨非民脂民膏耶且朕口以去奢崇儉訓示臣民正當躬行以為天下先乃一時遊覽之娛不能自克以此知抑損嗜欲敦行節儉之難而謹小慎微誠不可不加之意也今念都御史劉藻奏請停減營建謂奢靡之漸不可稍開侈蕩之源不可不杜此語深獲朕心年來廣開言路而諸臣所陳率不過一二政令之更張無大裨補劉藻此奏甚為嘉實所僅見者夫以營造一節即能事獻規直陳無隱隱或政有闕失諸臣亦必各思獻納朕得以隨時儆省收作礪從繩之效為益不亦多乎劉藻著交部議敘再內務府總管前以瀛臺建造多年不無損缺奏請修葺朕已允行可傳諭內務府總管等但取完整不得過於華

飾以陷前失劉藻摺並發○戊午內閣學士許王猷因事革職○癸亥諭朕因向來秋審朝審各案內緩決人犯年復一年既不至於正法徒久淹獄底以致陳案日積特降諭旨令九卿詳加分別凡緩決之案果係情有可原者俱入於可矜條內具奏請旨令九卿所奏直省各案由緩決改為可矜者甚多且其中有定案未久即邀寬典者在九卿審擬之時惟論其情罪有無可原不復於年分之遠近更加區別而愚玩之輩或至妄逞臆見以為甫犯重辟即得末減全無悚惕之心轉滋僥倖之念於國法人心殊有關係用是再降諭旨明白開示此次辦理秋審朝審各案多從寬減乃朕法外施仁加意體恤止今年一次舉行並非常例直省人民當思大法不可輕干殊恩非可常冀共洗心滌慮以仰承國家寬太之恩各該督撫可轉飭府州縣徧行出示曉諭知之○刑部題朝審緩決人犯一疏得旨准奏常祿身為言官得受賄賂具摺條陳與尋常官吏妄職作弊舊請罪更屬重大若在皇考時未必不立時正法即入秋審料九卿亦斷不敢不擬情實而竟入於緩決之理今一犯初次朝審九卿遽擬緩決明係豫為將來矜減之地不識政體藐視國法莫甚於此反躬自問是誠何心九卿俱甚錯謬著嚴加申飭至於刑部係執法衙門憲章所在尤不當如此輕擬而都察院有統率科道之責於此等敗類尙有何情可原而如此辦理刑部都察院堂官俱著交部嚴加議處著常祿改為情實○乙丑永禁胥役更名充牙○以薩哈諒為山西布政使陳高翔為山西按察使○丙寅諭士為四民之首而太學著教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所為汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之為聖賢之徒而豈沾沾焉文藝之末哉朱子在同安縣諭學者云學以為己今之世父所以詔其子兄所以勉其弟師所以教其弟子弟子之所以學舍科舉之業則無為也使古人之學止於如此則凡可以得志於科舉斯已爾所以孜孜焉愛日不憚以至乎死而後已者果何為而然哉今之士惟不知此以為苟足以應有司之求矣則無事乎汲汲為也是以至於情游而不知反終身不能有志於學而君子以為非士之罪也使教素明於上而學素講於下則為士者固將有以用其力而豈有不勉之患哉諸君苟能致思於科舉之外而知古人之所以為學則將有欲罷不能者矣觀朱子此言洵古今通患夫為己二字乃入聖之門知為己則所讀之書一一有益於身心而日用事物之間存養省察閒然自修世俗之紛華靡麗無足動念何患詞章聲譽之能奪志哉况即為科舉亦無礙於聖賢之學朱子云非是科舉累人人累科舉苦高見遠識之士讀聖賢之書據其所見為文以應之得失置之度外雖日日應舉亦不累也居今之世雖孔子復生也不免應舉然豈能累孔子耶朱子此言即是科舉中為己之學誠能為己則四書五經皆聖賢之精蘊體而行之為聖賢而有餘不能為己則雖舉經義治事而督課之亦猶柏陳言無裨實用浮偽與時文等耳故學者莫先於辨志志於為己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生通讀朱子書見其言切中士習流弊故親切為諸生言之俾

等處句結爲一路橫嶺以乘賢宇爲首廣南以吳金銀爲首楚南莫宜崗與粵西張家寨等處句結爲一路莫宜崗以楊青保楊元保爲首張家寨以張老金楊勝聰爲首除吳金銀已於議行義攻廣南時被逆苗擊歛外粟賢宇楊青保等各率黨盤踞八十里藍山大箐張老金等亦羣聚於此臣抵營後遣兵接勦苗眾隨將粟賢宇擊歛復遣人曉諭莫宜崗速獻首惡並帶兵往攻苗人畏懼將楊青保楊元保擒獻張老金等竄山箐內藏匿復派兵窮搜令投撫之苗歸寨擊歛兇犯全繳器械贖罪有平溪橫坡地林冲寨廟等寨抗不獻兇發兵剿絕迄今月餘張老金楊勝聰皆已接獲再城綏二邑有猺人專以劫擄爲生內有生員戴名揚與伊父戴榮華投入附從爲逆又粵西大羅山狗獠亦竄入楚地燒劫嚴飭官兵多方躡緝擊獲多名戴名揚等亦於龔家田山箐內拿獲見在知名要犯不過數人約一月內可以告竣此楚省見在情形也至粵省軍務雖大勢已定正當喫緊辦理之時乃總督馬爾泰忽遣將帶兵三千名前赴楚省駐紮以備夾勦置本省實事於不辦冀博協助鄰省之虛名當即飛咨該督令其撤回繼又聞馬爾泰有撤兵之議復飛札勸阻嗣接覆札知該督等久以桑江苗境蕩平入告故急欲撤兵但查粵省情形尙未可言蕩平急宜乘機妥辦庶能迅速成功因復札致該督其議遂止查有小江一帶爲粵省極邊之區與楚省長安五寨句結又圍里一寨乃吳金銀巢穴經譚行義圍剿斬獲頗多勒令已撫各寨兇兇贖罪據報擒獲僞軍師等尙有獨軍平壩等寨要犯未獲見札邀譚行義來楚商令回營速辦約一月以內亦可竣局此粵省見在情形也得旨所奏情形俱係實在如是據所辦理亦可謂井井有條但與馬爾泰初次奏摺中甚許之今則忽變而爲甚不足之意以爲將來議處伏案此意朕甚不解若如此存心以卿之才而未免拖泥帶水則可惜矣

十一月戊辰朔諭周官之法歲祭司民司祿而獻民數穀數於王王拜受之登於天府非獨冢宰據之以制國用之通凡授田與勸賜急平糶以及歲有災祲移民通財薄徵散利皆必於民數穀數若燭照數計而後可斟酌調劑焉秦漢以降戶口之數雖聞見於史冊而其文甚略惟唐貞觀之初定口分世業之法比歲登籍三年獻書以養以教致治之盛幾於成康固用此爲根柢也在昔聖祖仁皇帝以生齒日繁恐有司慮加丁賦匿不以聞特詔據實開載新增人戶不另加丁賦世宗憲皇帝勤恤民隱廣儲倉穀常懼一夫不得其所德意至爲周渥然各省督撫雖有五年編審之規州縣常平倉雖有歲終稽覈之法而奉行者僅亦於登耗散斂之間循職式之舊殊不知政治之施設實本於此其自今以後每歲仲冬該督撫將各府州縣戶口減增倉穀存用一一詳悉具摺奏聞朕朝夕披覽心知其數則小民平日所以生養及水旱凶饑可以通計熟籌而豫爲之備各省具奏戶口數目著於編審後舉行其如何定議令各省畫一遵行著該部議奏又僧道亦窮民之一朕不忍槩從沙汰故復行頒給度牒使有所覈查今禮部頒發牒照已三十餘萬張而各省繳到者尙少是或仍事因循僅奉行故事則甚非朕所以禁游惰勸力作之本意矣著各該督撫

留意善爲經理並著於歲終將所減實數具摺奏聞○己巳諭周禮造言之刑次於不孝不悌而王制假鬼神時曰卜筮以疑眾者
殺誠以浮誕之言易於煽惑人心所關甚重而敢於造作妄誕之說者多係狂悖惡逆之徒是以置之重典以儆愚頑而息邪說今
年六月間有楊從清在都察院具呈云庚方動土十月三十日地動之語朕惡其造作謠言命加監禁而其言流布京師人情不無
驚恐今十月三十日已過是可共知其言之荒誕無稽矣此等浮言本無足信無如庸人一聞邪說即深信不疑衆爲傳道古來史
籍所載如行西王母壽之類不一而足甚至別生事端總由於人不明理故不能不爲所動耳楊從清本應嚴加懲治因念其實屬
無知交刑部杖責遞解回籍交該地方官嚴行管束不得令其出境生事嗣後儻有造言惑眾之人定行從重治罪決不如此輕恕
其聽信流言妄爲傳播者該管官不時查拏○班第丁憂以那蘇圖署湖廣總督調來保爲刑部尚書以哈達哈爲工部尚書
○辛未飭有司教民孝弟○壬申准武進士回營食糧○癸酉命直省官役俸銀工食遇緩徵年分准支司庫銀兩○丙子署兩江
總督楊超會奏江西巡撫岳濬納賄營私各款得旨解任命高斌阿里衮往鞫○丁丑諭朕恭閱 皇祖聖訓內載諭九卿之言
曰爾等俱爲大臣天下督撫之賢否應於平時留心細訪以備顧問誰貪誰廉即行公舉雖門生故舊不爲徇庇庶人皆知畏懼而
勉勵矣乃者朕問時或謂未經同衙門辦事或自謂平日不接見人知之不真以此推辭非理也 聖諭煌煌切中情事近日在廷
諸大臣之習亦甚類此卽如郝玉麟鄂彌達從前議處之案皆從外省發覺廷臣並未奏參奏之者又如王仕任之劣蹟德沛參劾
之岳溶之劣蹟楊超會參劾之豈伊等未經敗露之前在廷大臣等竟一無聞見而必待督臣之舉發耶朕統御寰區一人耳目豈
能周知中外臣工之臧否惟大學士九卿等留心訪察有聞卽奏庶人人知所儆戒共懷官箴朕可以收明目達聰之益乃不時召
見諮詢而陳奏者寥寥殊不足以副朕之望大臣受國家股肱心膂之寄朕不於大臣是任而誰任耶大學士九卿等果能留心於
平時則各省大吏中作弊營私簞簞不飭者諒無不燭照之理若既已知之復存避嫌之心而隱忍不言尤非公忠體國之誼易曰
王臣蹇蹇匪躬之故人臣事君如果自問無私更有何嫌之可避且如三仕任等事以督撫而不能自保一身之操守 皇考時並
未有此也朕用是愈滋愧懼焉嗣後各矢丹誠無稍瞻顧則於朝廷進賢退不肖之道必大有裨益矣○轉梁詩正爲戶部左侍郎
以歸宣光爲戶部右侍郎由通議使選○以包拯署江西巡撫託庸署安徽布政使由中書○己卯諭本月二十五日恭遇 皇太后萬壽
聖誕普天同慶凡大小臣工俱著穿蟒袍七日不理刑名永著爲例○諭署廣東巡撫王葆素來京候旨王安國著以左都御史銜
管廣東巡撫事王葆素在廣東居官平常不勝封疆之任朕素知之又曾有人參奏朕原欲令其來京並非因近日王安國之參奏也
況左都御史官階在巡撫之上亦非相當之缺只因地方緊要一時未得其人是以特行簡用將此並諭中外知之○庚辰以移建
甘肅甯夏滿城除圍占民地額賦○壬午以劉吳龍爲左都御史由左副都御史選○癸未重輯大清律例成 御製序文曰象刑有典肇
見虞書其用之者皆謂曰次曰血曰眚曰劓曰剕曰宮曰三木等類又曰

以教藏德古先哲王所爲設法飭刑布之象魏縣之門閭自朝廷達於邦國共知遵守者惟是適於義協於中綢成教化以洽其好生之德非徒示之禁令使知所畏懼而已我 列祖受 天明命撫綏萬邦頒行大清律例仁言義正各得其宜 聖祖仁皇帝至

仁如天化成人道德洋恩渥涵渙羣生 皇考世宗憲皇帝際重熙累洽之運振起而作新之親定大清律集解刊示中外甄陶訓

意澤念因時之義期以建中於民簡命大臣取律文及遞年奏定成例詳悉參定重加編輯揆諸天理準諸人情一本於至公而歸

於至當折衷損益爲四百三十六門千有餘條凡四十七卷條分縷析倫敘秩然頒布宇內用昭畫一之守於戲五刑五用以彰天

討而嚴天威予一人恭 天成命監 成憲以布於下民敢有弗欽雖然有定者律令無窮者情僞也易曰君子以明慎用刑而不

留獄書曰式敬爾由獄以長我王國忠信之長慈惠之師尙其慎厥用敬厥由體欽恤明允之意率又於民秉彝克協於中以弼予

祐 天永命允升於大猷從事於斯者齊懋敬哉是爲序○乙酉論從來爲治之道首在得人故書美閭門緝倭之風易著拔茅連

茹之盛詩曰濟濟多士禮曰或以德進或以事舉或以言揚蓋自古郅隆之世君若臣所以加意於興賢育才者固如此其切也朕

臨御以來時以得人爲念不憚再三咨訪而所謂出眾之才足以慰側席之求者則未嘗樂見昔在 皇祖時如湯斌陸隴其輩學

術純正言行相符陳瑨彭鵬輩操守清廉治行卓越此數人者允爲一時之望至今稱之夫以天下之大人之才之眾豈無有與此數

人相頡頏者旁招俊乂朕心惟殷舉爾所知廷臣是賴況大學士九卿等受國家股肱耳目之寄自當留意於平時盡以人事君之

義其有眞知灼見者秉公舉出以備朕採擇焉○命通州陸運銅斤改由水運○戊子諭向來御門聽政大學士等俱不設璽摺惟

圖明固奉 皇考特旨鋪設而乾清門尙仍其舊原定制之意蓋以君尊臣卑象防專擅之漸然亦不繫乎此況古有三公坐論之

禮大學士等皆年老大臣當此嚴寒就地長跪朕心特切軫念嗣後著鋪璽墊以昭優禮至意○庚寅諭河工效用以六十員爲額

○甲午纂修大清一統志書成 御製序文曰惟 上天眷顧我大清全付所履海隅出日罔不率俾 列祖 列宗德澤溥威

鑠惠滂禹迹所奄蕃息殷阜瀛壖炎島大漠蠻貊咸隸版圖置郡築邑聲教風馳藩服星拱輿朔內附六合一家邇至開闢之所未

賓梯航重譯應感而始達者嘉義獻琛圖於王會幅員袤廣古未有過焉 聖祖仁皇帝特命纂輯全書以昭大一統之盛卷帙繁

重久而未成 世宗憲皇帝御極之初重加編纂閱今十有餘載次第告竣自京畿達於四裔爲省十有八統府州縣千六百有奇

外藩屬國五十有七朝貢之國三十有一星野所占坤輿所載方策所紀憲古證今肩列掌示圖以臚之表以識之書成凡三百五

十餘卷夫筆十有二州見於虞典禹貢一篇備列九州疆域山川土田貢賦物產實爲方志之權輿周禮大司徒以天下土地之圖

周知地域廣輪之數辨其山林川澤邱陵墳衍原隰之名物土訓道地圖誦訓道方志職方氏掌天下之圖辨其邦國都鄙四夷八

蠻七閭九貉五戎六狄之人與其財用九穀六畜之數漢郡國地志與計書俱上太史厥後輿宇志記列於正史者代數十家將以

觀民設教體國經野表皇威之有截明王道之無外匪徒備掌故徵博洽已也撫疆宇則念肇造之艱稽制置則念經畫之要采諠俗則念化導之方考循良人物而知治理之效念所以振興而長育之數戶口田賦而察登耗之故念所以懷保而蕃殖之書曰皇天既付中國民越厥疆土於先王肆王惟德用和懌先後迷民用懌先王受命我祖宗克明峻德以有九有之師傳緒在予敢不惟德之勤篤前人成烈其在我內外百職事慎固封守阜成兆民懋相予修和有夏亦越我後嗣子孫咸敬厥德以昭受丕基萬年惟無斃覽斯編也其善體諸

十二月戊戌諭浙閩總督德沛屢任封疆操守廉潔伊既一介不取而因公事犒賞之處又復繁多所得養廉不能敷用以致京中

運負不能清還且棄舊有之產業朕心深為軫念此等清官應格外加恩以風有位著將福建藩庫銀就近賞給一萬兩示朕嘉獎之意○張渠卒以范璨為湖北巡撫起劉於義署直隸布政使原任吏部尚書○庚子禁京官濫交富戶○辛丑起劉永澄為左副都御史

原任左副都御史○壬寅欽差大臣張廣泗奏進剿楚粵苗獠斬獲無算苗疆悉平酌留官兵貼防並酌定兩省形勢各設一協楚省添兵九百餘名粵省添兵一千六百名俟募足新兵後貼防官兵即陸續減撤得旨楚粵苗獠不法朕特簡張廣泗前往辦理伊任事以來調度有方三月之內克奏膚功甚屬可嘉張廣泗著交部議敘具奏尋議准加三級○以周學健為內閣學士山少詹事○丁未諭

獄案務嚴濫及治獄無令淹留所以重民命也朕欽恤為懷凡於刑獄案件無不至詳至審詰誠丁審期成協中之治諒廷臣亦莫不共知朕心矣惟是外省之監獄較之在京事勢不同緣督撫駐紮省城府縣散居遠近不一上司耳目不盡周知雖有監犯月報之虛文不無隱匿遺漏之積弊每有一案人犯證佐未齊或拘喚不至或關解不前有司又不上緊催提以致經時累月囚繫不釋者有之又有事涉牽連因人呈誤有司不分輕重與正犯同繫囹圄遂至無辜受累濫被拘禁者有之是以囹圄之內常見充盈

屋既欲隘人復眾多濁氣薰蒸疾病傳染因此致斃者不一而足其在問擬之重罪尚須附疏題達然亦處分甚輕若罪輕謫戍及拖累千連之人每至患病垂危始令的屬具保旋報在外病故督撫無可糾參至於州縣自理事件並不報聞上司更無稽考草菅人命視為固然此皆朕留心訪察而知種種情弊外省實有不能免者朕於全民命每於重犯之中有一錢可原者必諭令廷臣往復商酌而後定案無如牧民之有司不能仰體朕心遂致刑獄不慎上干天和凡地方之旱澇災祲未必不由乎此用是特頒此旨著各該督撫嚴飭司府州縣將見在刑獄逐一清釐有塵案經久未結者勒限審詳有一案牽涉多人者速為開豁或應省釋回家或應取保候質其已經擬罪應行監禁各犯務飭該管官加意清查無使禁卒陵虐至於困苦並將牢獄不時掃除以免疫癘傳染

倘有獄各官奉行不力者該上司即行查參不得寬縱以副朕哀矜庶獄之意○子故戶部左侍郎王鈞祭半葬○辛亥命修築江南松江泰州等海塘○癸亥諭太僕寺卿蔣蔣將服官以來紀恩述事稱功頌德之稿彙為一集名曰湛露章進呈朕覽朕思人臣進獻著作詩文總期有裨於政治有利於民生有益於身心學問在獻者既得歲規之誼而披覽之下亦可收作礪從繩之助若

徒爲頌揚之詞則文藻雖工又何取焉極之古人頌不忘規之意殊不爾也朕以實心行實政屏棄一切虛文惟恐政事或有闕失日冀民工獻納論思繩紉糾繆匡其不逮至於頌揚溢美之語止增朕心之愧且耳聞目見負厭其煩屢經降旨曉諭而諸臣積習仍復不免將璉所進姑且存覽嗣後著樂行禁止○是歲朝鮮琉球來貢

乾隆東華筆錄十三

乾隆八年辛酉春正月庚午諭從古右文之治務訪遺編目今內府藏書已稱大備但近世以來著述日繁如元明諸賢以及國朝

儒學研究六經闡明性理潛心正學純粹無疵者當不乏人雖業在名山而未登天府著書留學政留心採訪不拘刻本鈔本

隨時進呈以廣石渠天祿之儲○甲戌裁安西總兵改設提督○乙亥方顯因病解任以楊錫綬署廣西巡撫唐綬祖署廣西布政

使蘇昌署廣西按察使由給事中署○丙子免福建閩縣等五縣乾隆二年逋賦○甲申命鄂爾泰調親會同孫嘉淦顧琮查勘永定河

工○戊丁上以永定河決命免徵霸州雄縣本年錢糧毋俟查奏○諭各省上司收受屬員餽送土宜物件有關吏治官箴昔蒙

皇考嚴行禁止朕又屢加訓飭近年以來漸知懷遠惟是同官僚友禮文往來雖非屬員可比但文武大吏各有職掌事務繁多

卽屏棄一切殫心竭力尚恐精神未能周到若再留意於寮案之應酬如時節生辰餽送禮物酒食彼此酬酢來往頻仍以此分心

甚屬無益可曉諭各省文武大吏及學政職造關差等共知之○己丑山東巡撫朱定元之母年逾八十特給封典○庚寅諭今之

督撫卽古之岳牧宣化承流爲百僚之表率必須誠實無偽中正無偏方可以整飭官方激清吏治收封疆得人之效方今督撫皆

朕慎重簡用其閒實心供職不愧任使者固不乏人然當留心體察向來有積習數端一時未必人人盡能悛改如督撫共事一省

每以意見不同參商偏執甚至各立門戶引用私人暗挾猜嫌互相疑忌此所獎而彼惡之彼所喜而此嫉之其於地方公事則又

彼此推諉以致屬員無所適從政令每多耽誤此督撫不和不之弊也若其朋比爲奸則又外託和衷之名各自營私彼此瞻徇迴護

致使不職屬員皆得姑容在位以貽地方之害此又和合之不以正者又如新用督撫每一到任必極言前任之廢弛地方之形骸

以爲日後卸過之地以見己身振作之功而究竟實在情形不至於是或前任在任遷則爲之彌縫其闕若處分解退則極力吹索其

疵此皆私意不除而有妨於公事者又如參劾屬員督參撫審撫參督審原屬持平慎獄之意而承審各員不論案情之是非止論

督撫之聲勢如原參之督撫已經離任或遭放廢則承審者卽可避重就輕巧爲開脫而督撫審題亦遂漫不經心容易結案如原

參之督撫尙係見任或居要津則附會原題刻意鍛鍊而督撫亦不復詰問使讞獄不得其平者往往有之又如一省之中屬吏繁

多而巧詐者不少督撫意指一爲所窺則百計逢迎以取悅偶發一言偶行一事則趨踴竭蹶惟恐後時如昔年河南之聖荒陝

西之閒井止以有司迎合上司奉行不違遂大爲閭閻之擾此亦積習之所當省察者也以上數事乃朕平時體察所及是以降旨

明白宣示各省督撫多人居心行事亦不一轍有則改之無則加勉體朕大公至正之心共成無黨無偏之治朕實有厚望焉○辛

卯諭在京官員三年京察一次乃國家黜陟明激濁揚清之大典各該堂官分別等次必應矢慎矢公至確至當舉一人使眾皆知勸退一人使眾皆知儆始足以激清吏治整飭官方況國家定有一等加級之例儻舉劾不公則獎所不當獎而劣者仍得苟且姑容將視京察爲具文矣本年察典屆期爲此特頒諭旨著各該堂官等一秉公心屏除私念去瞻徇之習字輿論之同以副朕旌別淑慝之至意○癸巳諭冬春以來各省奏報瑞雪朕深感天恩額手志慶春日載陽土膏滋潤疆吏其勸導小民努力東作貧乏者量貸籽種○甲午命原任湖廣總督班第仍在軍機處行走○乙未命內大臣來保入滿洲旗分○朝鮮國王李吟失察邊民越境得旨免議奏進方物准作年貢○是月大學士伯鄂爾泰等會奏永定河凌汛漫溢由引河淺隘不能容納旁流既多水綫沙停河身益高將近下水僅數寸間段淤塞致旁溢橫流河岸西南一帶地名南窪每歲河淀清水泛漲而北直透窪內引河不能容趨下之勢亦於此溢出爲多再河身地勢南高北下中有最窪下處更易漫衍且難消退至下口由老隄頭歸中亭玉帶兩河中亭爲玉帶支流河身淺隘不能推刷渾沙其玉帶正河入口處則清渾並下互相蕩漾可稱安順伏思舊河尾閘梗塞改由西引河令漸復故道實屬良圖督臣等於上年霜降後開隄放水試行於水小時故能循河暢達若桃麥伏秋等汛河身不能容正溜下口必致淤墊且凌麥二汛水不出槽則附近民田亦可收一麥之利至伏秋大汛聽其漫散既可以緩溜其時水勢消長甚速亦不致渾蓄爲患是引河斷宜開寬深令可容汛漲正溜直達玉帶清河應將新開隄口暫行堵閉漫水消涸始可另議施工而民田水退尙堪及時補種據督臣孫嘉淦之意水由此行引河無庸挑挖即治漫水亦不必堵隄臣等則以爲及早閉塞俾無續至之水方可議及一切事宜再永定河去路以直達清河不穿入東西諸淀爲最要今新河下口南窪一帶毗連柴火等淀將來伏秋大汛必使無穿淀之虞始可爲經久之計得旨所奏俱悉另有批示孫嘉淦一摺卿等共觀之則知朕意矣孫嘉淦奏公摺中稱暫堵隄口俟引河挑挖寬深再行開放臣實不敢扶同蓋開隄放水原因隄束泥沙淤淀是以放令散入田中若又挖使寬深無論旋挑旋淤徒費帑項借使不淤而河槽日深全河之水不能溢出又將泥沙擁入玉帶爲患更大至開隄放水事屬創見今百姓俱已相安河水益無大患忽復堵塞無論旋開旋塞有傷政體而百姓見堵決口必以爲此事錯誤將來設欲再開難望信從若謂堵口使民種麥則目前水已消退不誤耕種之期若謂保護村莊則水來原未入村今水去儘可施工亦無容堵口得旨卿此奏固是但大學士等亦係慎重欲萬全之意卿亦不必固執已見也且舊河下口尙未會勘會勘之後卿等和衷詳酌自有定議也總之此事卿所見甚當所任甚力而辦理未盡善處朕亦不能爲卿諱然而朕終以卿爲是著以卿不似顧琮爲游移巧詐之計耳彼素日之道學今安在耶此摺卿等共觀之

二月丙申朔諭軍機大臣等據鄂爾泰劄奏稱察勘沿河被水情形應將新開隄口暫行堵閉俾引河斷溜漫水消退清明前尙可補種春麥窪下地畝亦候水退可種高粱稗子等語孫嘉淦則奏稱引河無庸挑挖寬深亦無庸將隄口堵閉自下水已消退不

誤春耕之期等語所奏各有不同而鄂爾泰詞親尙欲至舊河下口查勘方能定局朕思目下正值耕種之候轉瞬便屆清明若待查勘定議之後方行奏請未免爲期遲緩爾等可卽寄信與鄂爾泰詞親若果如孫嘉淦所奏目下可以不誤耕種卽當令地方官速行勸諭如果必須堵塞隄口方可播種著伊等悉心斟酌卽速行奏聞請旨尋奏新引河隄口實有不得不堵之勢引河下游漫寬東西兩岸自十餘里至三四十里河身淤墊前水不歸槽後水復增溢瞬屆桃汛淹浸愈廣豈能無誤春耕况新河全局並未料理妥備非二三年不能成事若屆汛漲爲害不小得旨如此一面卽行堵閉俟通盤議定時入於捐中奏明可也○壬寅 皇五子永琪生○癸卯諭從前停止各項捐納之時在廷諸大臣及翰詹科道等官議留捐監一條俾各處積穀以備民閒荒歉之需且使士子廣其應試之路洵爲兩便並非捐官可比朕已允行昨據御史趙青藜復請停止捐監又經大學士九卿會議以爲事屬難行應仍其舊朕已降依議之旨矣今據海望奏稱外省收捐繁難赴捐之人甚少原議各省捐貲數共應三千餘萬古今報部者僅二百五十餘萬石合計尙不足十分之一不若停止各省之捐數仍照九卿原議在部交銀將所收之銀扣抵各省買穀銀款俟倉貯充盈之後將應否停止之處再行請旨等語朕思納粟貯倉原因備荒發賑豫爲籌畫之計外省捐穀繁難且有弊竇不若任部收捐之易誠如海望所奏朕亦知之嗣後仍准在部收捐折色至於外省收捐本色之例亦不必停止在內在外悉聽士民之便地方積穀不厭其多賑恤加恩亦所時有正未易言倉貯充盈既係士民兩便之舉將來亦不必奏請停止朕着州縣有司往往慮及需變賠補以多積穀石爲憂其如何酌量定例俾其從容不至賠補之處交與該部另議具奏如此則有司不以積穀爲苦而倉廩漸大可實不致虧缺於民食大有裨益矣○御史董洞奏 皇上念切武備巡幸行圍誠安不忘危之至意第恐侍從以狩獵爲樂在京臣工或因遲遠天顏漸生意安所關匪細方今紀綱整肅營務固弛伏祈暫息行圍以順養天和得旨所奏知道了古者春蒐夏苗秋獮冬狩皆因田獵以講武事我朝武備超越前代當 皇祖時屢次出師所向無敵皆由平日訓練嫻熟是以有勇知方人思敏懷若平時將狩獵之事廢而不講則滿洲兵弁習於晏安騎射漸致生疏矣 皇祖每年出口行圍於軍務最爲有益而紀綱整飭政事悉舉原與在京無異至巡行口外按歷蒙古諸藩加之恩意因以寓懷遠之略所關甚鉅 皇考因兩路出兵見有徵發是以暫停圍獵若在撤兵之後亦必舉行况今昇平日久弓馬漸不如前人情狃於安逸亦不可不加振勵朕之降旨行圍所以遵循祖制整飭戎兵懷柔屬國非馳騁改遊之謂至啓行時朕尙欲另降諭旨加恩賞賚令其從容行走亦不至苦累兵弁朕性耽經史至今手不釋卷游逸二字時加儆省若使逸樂是娛則在禁中縱所欲爲罔恤國事何所不可豈必行圍遣出耶朕廣開言路叢洞胸有所見卽行陳奏意亦可嘉但識見未廣將此曉諭知之○甲辰諭滿洲進士准選用知縣○乙巳諭近見居官者家計多覺艱難而旗員爲甚朕於百姓尙欲其盈甯而况居官者乎因欲措一久遠利益之道而先思其所以致此之由細推其故蓋由於查辦虧空時其囊囊不足抵補則將房產入官以致資生無策棲身無所日不獨本身爲然旁及弟兄親戚平日需其餘潤者亦皆牽

帶於中以補公項而仕宦之家遂多致貧乏矣又思當日所以如此辦理者蓋以其先各省火耗聽其自取漫無稽查而關稅正額之外贏餘盡皆入已以致官員縱欲敗度恣意奢靡親族分肥於一時而不計後日之波累若不加意整飭則官箴不恤國法漸弛大爲人心風俗之害是以我 皇考旋乾轉坤密籌默運然後定有章程世風丕變雖滿漢官員等用度不能充餘然無其貧甚富之別且不貽後日身家之患此我 皇考仁至義盡之舉非言利也若云言利則未解火耗之前地方一切公務皆係官民承辦今則動用公項公項猶前之火耗也然以公項不足而請動正帑者不知其凡幾矣眾所共知國家亦豈利此而爲之乎又如關差一項從前司稅之人歸之私囊者後令報出卽爲贏餘耳並非見微之外有所增加也雖管關之人賢愚不一或有奉行不善欲增課以見長因而需索累民者然此十之二三耳較之未經徵清以前已覺減少者亦多矣朕臨御以來又復覈減稅課不下數十萬兩且不時嚴飭該管諸臣剔除諸弊至再至三今條奏關稅者尙屬紛紛如海望係 皇考及朕簡用之大臣豈不知國體而但知言利者比其管理崇文門稅務不過儘收儘解盡行報官不似先前之入私囊因而獨見其多耳朕卽另派大臣管理想亦如其數也若如御史胡定所奏苛索種種朕可以信其必無何爲加此過甚之詞耶崇文門稅務不必另議至外省關樞皆久經該督撫就近稽查除見設口岸報部有案者照舊設立外其有私行增添之口岸逐一詳查題報應留者留應革者革此番清查之後司樞之員若再有違例苛索者胥役嚴處官吏嚴參該督撫不行查察經朕訪聞必於該督撫是問至許堅北新二處係江浙大關尤爲緊要交與楊超曾德沛照此稽查辦理楊超曾德沛皆係國家公忠大臣必不肯徇庇管關之員而貽累小民亦斷不肯似腐儒妄生議論違道以干譽也此番定議之後各官風聞不實之言不得再行瀆陳總之天下之事盈虛消長相倚伏從前官員取盈以圖快意未幾而有缺正帑國法具在清查者迫而家計蕩然不但取盈者不爲己有且並失其祖父所留之業子孫並受其困比比皆然莫之或爽近觀臣工之意頗有以見在所行之例爲不便者意欲將耗羨盡與本官司樞悉從內遣謂可多得養廉食用豐裕不知豪奢之習起於有餘目下多獲貲財不過三數年閒俯仰從容欣欣得意未幾而匱乏隨之且必致仍前之虧缺公帑而清查者追之事隨之朕縱不能措之得當使受目前之惠又何忍縱之敗度以隱貽後日之憂乎況古云王者之國富民霸者之國富士僅存之國富大夫如果百姓家給人足卽居官者不甚豐饒猶不失輕重之權衡也且言居官貪食者仍出於居官者之口而入於朕耳朕亦不過疑信各半究之思所以富之之心未如思所以富萬民之心之切也朕仰承 皇考貽謀遠略一切章程惟有守而不失關或法久弊生隨時酌量調劑則可若欲輕議更張不獨勢有不可亦朕之薄德力有所不能可將此曉諭內外大小臣工並八旗知之○丁未 上御經筵○戊申諭朕臨御以來廣開言路原係明目達聰懸輅設鐸之意所以集思廣益補闕失而裨政治也爲言官者理應精白乃心講求治體上則繩愆糾繆足以匡襄君德下則揚清激濁足以砥礪官方如內而大臣擅權不公外而督撫婪贓枉法以及縣司百職作弊營私者確有實據秉公題參其有關於國計民生之要務則不時陳奏如此方克稱言官之職而不